



16-02-2026

Broj: 07-13-2-1220-5/25
Mostar, 12.2.2026. godine

Na osnovu člana 28. tačka j) i člana 58. stav (6) Zakona o električnoj energiji Federacije Bosne i Hercegovine („Službene novine Federacije BiH“ broj 60/23) i člana 10. stav (1) Pravilnika o metodologijama za utvrđivanje naknada za priključenje na distributivni sistem i priključenje na zatvoreni distributivni sistem („Službene novine Federacije BiH“ broj 59/24 i 83/25), Regulatorna komisija za energiju u Federaciji Bosne i Hercegovine - FERK je na III redovnoj sjednici održanoj 12.2.2026. godine donijela

ODLUKU

Član 1.

- (1) Utvrđuju se jedinični iznosi naknade za priključenje na distributivnu mrežu JP Elektroprivreda BiH d.d. - Sarajevo, po prijedlogu ovog javnog preduzeća zaprimljenog u FERK 15.12.2025. godine pod brojem: 07-13-2-1220-1/25.
- (2) Jedinični iznosi naknade za priključenje na distributivnu mrežu JP Elektroprivreda BiH d.d. - Sarajevo, bez PDV-a iznose:
 - a) jedinični iznos naknade za priključenje na niskonaponsku distributivnu mrežu iznosi 239 KM/kW,
 - b) jedinični iznos naknade za priključenje na srednjenaponsku distributivnu mrežu 10(20) kV iznosi 173 KM/kW.

Član 2.

Jedinični iznosi naknade za priključenje na distributivnu mrežu iz člana (1) ove odluke počće se primjenjivati 1.3.2026. godine, kada prestaje primjena jediničnih iznosa naknade za priključenje na distributivnu mrežu, na koje je FERK dao saglasnost Odlukom broj: 07-02-977-01/34/14 od 22.12.2014. godine.

Član 3.

JP Elektroprivreda BiH d.d. - Sarajevo obavezno je objaviti ovu odluku na svojoj službenoj internet stranici.

Član 4.

Ova odluka stupa na snagu danom donošenja i objavljuje se na službenoj internet stranici FERK-a, a dispozitiv ove odluke i u „Službenim novinama Federacije BiH“.

Obrazloženje

Članom 28. tačka j) Zakona o električnoj energiji Federacije Bosne i Hercegovine propisano je da je FERK nadležan utvrđivati iznos naknada za priključenje na distributivnu mrežu. Članom 58. ovog zakona propisano je, pored ostalog, da za priključenje novog objekta na distributivnu mrežu, povećanje priključne snage postojećeg objekta ili izmjene na postojećem priključku korisnik distributivnog sistema plaća naknadu za priključenje operatoru distributivnog sistema i da naknada za priključenje obuhvata naknadu za izgradnju priključka, uključujući i opremanje mjernog mjesta mjernim uređajima i naknadu za obezbjeđenje uslova za priključenje kroz povećanje kapaciteta distributivne mreže. Ovim članom je propisano i da operator distributivnog sistema na osnovu metodologije za utvrđivanje naknade za priključenje na distributivnu mrežu, koju utvrđuje FERK, izrađuje i podnosi FERK-u prijedlog za utvrđivanje jediničnih naknada za priključenje na distributivnu mrežu, po kategorijama korisnika mreže i kategorijama potrošnje, a FERK utvrđuje iznos naknada za priključenje na distributivnu mrežu na osnovu prijedloga operatora distributivnog sistema ili na vlastitu inicijativu.

Takođe i članom 10. Pravilnika o metodologijama za utvrđivanje naknada za priključenje na distributivni sistem i priključenje na zatvoreni distributivni sistem propisano je da FERK utvrđuje jedinične iznose naknade za priključenje na distributivnu mrežu na osnovu prijedloga operatora distributivnog sistema ili na vlastitu inicijativu. Ovim članom je propisano i da je operator distributivnog sistema obavezan u postupku izrade prijedloga jediničnih iznosa naknade za priključenje ukalkulisati podatke o izračunatim vrijednostima investicija u distributivne objekte drugog operatora distributivnog sistema, u obliku definisanom u Prilogu I tog pravilnika, kao i da je operator distributivnog sistema obavezan dostaviti podatke koji služe za izračun vrijednosti investicija u distributivne objekte na zahtjev drugog operatora distributivnog sistema. Propisano je i da je uz prijedlog jediničnih iznosa naknade za priključenje operator distributivnog sistema obavezan dostaviti FERK-u sve ulazne podatke i podloge za izračun, u obliku definisanom u Prilogu II ovog pravilnika, kao i da je operator distributivnog sistema obavezan ažurirati jedinične iznose naknade za priključenje, u cilju usklađivanja sa promjenama cijena roba, materijala i usluga koji se koriste u procesu priključenja objekata korisnika sistema na distributivnu mrežu i promjenama drugih parametara koji utiču na izračun jediničnog iznosa naknade, ali i da FERK može na vlastitu inicijativu pokrenuti postupak izmjene jediničnih iznosa naknade za priključenje u slučaju značajnih promjena cijena roba, materijala i usluga koji se koriste u procesu priključenja objekata korisnika sistema na distributivnu mrežu. Članom 44. istog pravilnika propisano je da je operator distributivnog sistema obavezan objaviti taj pravilnik i akte donesene na osnovu pravilnika na svojoj službenoj internet stranici.

Na osnovu navedenog, JP Elektroprivreda BiH d.d. - Sarajevo je 15.12.2025. godine dostavilo prijedlog jediničnih iznosa naknade za priključenje na distributivnu mrežu, koji je zaprimljen u FERK pod brojem: 07-13-2-1220-1/25 i koji je utvrđen Odlukom o utvrđivanju prijedloga jediničnih iznosa naknada za priključenje na distributivnu mrežu (cjenovnik) broj: NO-42572/25-85./5. od 8.12.2025. godine. JP Elektroprivreda BiH d.d. - Sarajevo je predložila jedinični iznos naknade za priključenje na niskonaponsku distributivnu mrežu od 239 KM/kW bez PDV-a i jedinični iznos naknade za priključenje na srednjenaponsku distributivnu mrežu 10(20) kV od 173 KM/kW bez PDV-a.

U cilju dostave ulaznih podataka i podloga na osnovu kojih je izrađen prijedlog, FERK je 8.1.2026. godine ovom javnom preduzeću uputio Zahtjev za informacijama broj: 07-13-2-1220-2/25, povodom kojeg je isto dostavilo dopise zaprimljene 12.1.2026. godine pod brojem: 07-13-2-1220-3/25 i 29.1.2026. godine pod brojem: 07-13-2-1220-4/25, uz koje dostavila tražene ulazne podatke i podloge za izračun jediničnih iznosa naknade za priključenje na distributivnu mrežu.

Na osnovu pažljive analize prijedloga jediničnih iznosa naknade za priključenje na distributivnu mrežu, FERK je utvrdio da je prijedlog izrađen u skladu sa odredbama Pravilnika o metodologijama za utvrđivanje naknada za priključenje na distributivni sistem i priključenje na zatvoreni distributivni sistem, pa je odlučeno kao u dispozitivu ove odluke.

PREDSJEDAVAJUĆA FERK-a

Vesna Marić

Vesna Marić

Dostaviti:

- JP Elektroprivreda BiH d.d. - Sarajevo (poštom preporučeno uz dostavnicu)